

2
12

DISSERTATIO INAUGURALIS MEDICA
De
**NÆVIS MATERNIS
INFANTUM,**

Quam

Sub Præsidio Dei Archiatri

JUSSU & AUCTORITATE

Gratiosissimi atque Excellentissimi,

MEDICORUM COLLEGII.

*In Indyta & Antiqua Helvetiorum
UNIVERSITATE.*

Pro supremis in Appollineâ Arte consequendis
Honoribus atque Privilegiis.

Ad Diem 26. Julii Aëvæ Christianæ M. D. CCI.

Loco Horisque consuetis

Publicæ Eruditorum censuræ exponit

JOH. HENRICUS SULZERUS,
Vitodurô Helvetius.



BASILEÆ, Typis JACOBI BERTSCHII,

DISSEMINATIO IN UNIVERSITATIS MEDICAE

NAEVIS MATERNS
INFANTUM

Sep. 1549. D. A. Alcibiades

BASILIAE AC ACADOMIAE

Quodlibetum sive quicunquem

MEDICORUM COLLEGII.

W. Jacobus G. Gallus Heraclius

UNIVERSITATIS

Pro libricinis et abbacum Acce comprehensibus

Hoc opus est abo. Paulino

Ex anno M. C. CCXV.

Iste librus est ex copia

Expositio de medicis suis

John Henricus Sulzer

Expositio de medicis suis

BUSSEVELD. Typis JACOPI BERTRANDI



PRÆFAMEN.



Xperientia quām consono-
num sit illud Medicine Fundato-
ris de Fragilitate & Misericordia Mise-
recosmi A Phœnix: Ολοὶ Αν-
θρώποι ἐν γενετῆς γενοσίοις εἰσὶ: Id
nobis probatum reddunt, singula
vita nostra etates, quarum una-
quaque peculiaribus in infirmam
& caducam corporis nostri Ma-
chinam, tanquam mortem ipsi minantibus deservit mor-
bis. Vix enim ac infans Uteri claustra perfregit ingens
morborum farrago eum, quasi undae procellosē navim ē
portu solventem subito obruunt; interdum verò præter-
lapsis incarcerationis diebus, ergastulo valedicturus ipsi
ob viarum angustiam in ipso subsistendum est limine.
Et quamvis primos dies & etiam Annos incolumis eva-
sisse ipsi obtigit: Non tamen propterea à morbis immunis
existit, sed varia invasionum genera ipsi adhuc sunt ex-
pectanda, superanda. Et o quām ingens est numerus
eorum, qui provectionem quidem etatem, imo senectu-
tem vident, quorum verò vite curriculum nihil, nisi
continuus est morbus; &, si ipsorum dies numerandi,
multi plures eorum morbos, quām verò sani certè fu-
re. Verū, quemadmodum Plantæ, non exortæ solūm,
variis injuriis sunt subjectæ, ita ut sapiūs vel nullā co-
gnitā manifestā causā flaccescant, marcescant, vel planè
emoriantur; sed interdum ipsorum rudimentis intra se-

men vel radicem in terra defosis existentibus & hiare in-
cipientibus aliquid accidere potest, quod vel illas mon-
strosas planè reddat, vel ipsarum natura sit inconve-
niens & illas deformet. Ita inter alias Embryonis vel
fætus in utero laisiones non adeò infrequentes sunt Mon-
strosa ejus conformatio, & Nævorum quos vocant Ma-
ternos contractio. De quibus hisce quantum pro divi-
nâ, quam sollicita prece ambo concessâ gratiâ, & inge-
nii modulo licuit, inaugurale nostrum Specimen contexe-
re tentavimus, non quasi de iis absolutum & integrum
Opus adornaturi, quippe pro labore quo suscipiendo no-
stre Animi dotes impares forent, institutiq; ratio vetaret.
Paucos igitur de hocce nostro Themate tantum modò pa-
ragraphos æquæ B. L. censuræ submittimus, quos si in-
fusos ipse percipiet, sua sapientia sale ut sapidos reddere
velit enixè & submisæ rogamus.

Q. B. V. T. O. D.

*Dissertationis de Infantum Nævis
Maternis.*

§. I.

Communissimo & simplicissimo pluribus à
scriptoribus in divulgandis thesibus observari so-
litò nos committentes & insistentes Tramiti, *ωρο-*
μετολογίαν primò explanare oportet. Et quanquam pro sym-
ptomate hoc indigitando non magna vocabulorum occurrat
diversitas; attamen unum vel alterum diversæ originis apud
Lexicographos invenire licet. Græco idiomate primò vo-
catur *σπιλός*, *σπιλωμα*, quod, idem ac *macula*, *Labes*, à
verbo *σπιλέω*, *maculo*, labem infero, quæ quidem vox plu-
ribus tribui solet rebus, ut cùm in N. Test. uno & altero loco
metaphorice usurpetur pro probro & ignominia, sed quæ
strictè

strictè solummodò dicitur de Nævis Maternis Infantum. Alio voce vocatur, *κηλίς*, macula, ulcus, cicatrix. Latino dialecto communissimè appellatur, *Nævus Maternus*. Item Macula originalis, signatura fœtus. &c. Vernaculâ nostrâ linguâ nomine gaudet, eines angebohrenen Maals / Mutter-Maals. Brevius *Anmaal*.

§. II. A Tractatione Nominis nostri affectus, ut ipsius natura plana magis reddatur, ad propriam ejus definitionem digredimur. Definimus itaque *Nævos Maternos* quòd sint: Symptoma Qualitatis Corporis mutatæ consistentes in diversis notis, maculis, & characteribus superficie corporis quorundam infantum tempore gestationis à Matris variis Imaginationis vitiis, Animi Pathematibus comitatis impressis. Diximus esse eos Symptoma qualitatis corporis mutatæ, quod quidem in hoc consistit, quod in eo aliqua naturalis corporis qualitas mutetur, ex cuius tamen mutatione nulla actionum læsio sequatur. Et hoc commodissimè tales quin sint referendi nihil videmus quod impedit, cum illi ut plurimum consistant in unius alteriusve loci corporis præter naturam observabili colore, vel aliqua sub certâ interdum figurâ conspicienda protuberantiâ, omnibus à diversa Imaginatione Matris modificatis; subinde etiam in pilorum, in parte aliâs depili certâ serie procrescentiâ; vel etiam in vulneribus & ulceribus hic vel illic in corpore observabilibus. Prout exemplum habet Cornelius Gemma L. I. suæ Cosmogr. C. 6. cuiusdam mulieris gravidae, quam mox instante partus tempore maritus stricto gladio insequebatur, & ejus fronti minabatur, quæ postea prolem peperit magnum in fronte vulnus gerentem; ex quo sanguis abundè effluxit. Quod an & quomodo à subito Matris terrore deduci possit, inferius dispiciemus, estque ad morbos solutæ unitatis; ut & exemplum Schenckii, Infantis superiore labio carentis ad structuræ organicæ morbos referendum.

§. III. Quòd si quid Nævi Materni nomen vult mereari, oportet, prout in Definitione dictum, tempore gestationis fœtui imprimatur; Etsi enim infanti cuidam statim ac utero egreditur, Maculæ quædam imprimenteruntur; ut sunt

Maculæ infantum volatice, Hepaticæ, &c. iis inconveniens
hoc foret nomen, sed oportet ut infans tale quid sub solem se-
cum afferat, & quidem ex Matris communicatione; sœpe enim
fœtus in utero, habitus aliquod vitium à morbis inibi perpe-
fis, v.g. à variolis vel aliis affectibus contrahere sibi potest,
prout Materni Nævi haud facile delebile, cui nihilominus
istud nomen non competit, ut & non magis certæ hominum
Idiosyncrasie dictæ; Dum quis vel nequit perferre visum
Ensis strictæ, quod de Angliae Rege Jacobo Primo perhibent,
vel cum quis tollerare nequit feles, vel caseum & similia.
Neque etiam huc afferri debent Morbi dicti Hæreditarii, sed
quorum characteres jam deditus proprie dicti Nævi Materni.
Alia quæ quidem cum hiscè eandem sœpius habent causam,
& requisita ferè omnia; sed quoniam gradu illos excedunt,
vel sunt rariora, & eorum aspectu hominibus terorem in-
jiciunt, minus horum nomine, verū Monstra appellari con-
sueverunt.

S. IV. Homines an impressionibus talibus à matre
ipsis contingere solitis, sint subjecti & obnoxii, res est omnibus
certè notissima, & neminem inveniri credo, qui contrarium
sentiat, tales enim quotidiana experientia facilimè possent
convinci, cum non solum Medicorum observationes infinita
horum exemplorum serie scateant; sed & eorum viva den-
tur plurima. Quorum propterea unum & alterum pagellis
nostris inseri haud inconveniens fore existimamus, scribit
Justinus libr. 15. histor. Laudicem uxorem cuiusdam Antio-
chi, Clari inter Philippi Duces viri, per quietem visam sibi
fuisse ex Apolline concepisse, & pro mercede concubitus An-
nulum ab Apolline recepisse in cuius Gemma Anchora inscul-
pta esset: & postea filium peperisse Seleucum, notam Ancho-
ræ in femore gerentem. Aliud exemplum refert *Baldinus Ronseus* Libell. de primord. Homin. c. 10. Goudæ in Hol-
landia Mulierem quandam videntem greges gallinarum In-
dicarum sic consternatam fuisse, ut postea pepererit fœtum
habentem faciem multis excrescentiis carnosis, multiformis
coloris, Galli Indici instar deturpatam. Sic scribit *Jacobus Horſ.*
Se non tantum colores & maculas, sed carneæ fraga & cerasa,
virtu-

virtute imaginationis in dorso & genis producta saepe vidisse.
Perhibet Schenkius in L. observ. rar. Cujusdam uxori contigisse,
quod propter frustum carnis ei à Lanione in macella denega-
tum, ita iracunda facta fuerit, ut sanguis ei è naribus effluxerit;
& cum eum defluentem perciperet & à labris abstigeret,
enixa tandem fuerit fœtum supremo labro carentem. Notat
Fienus, sibi narrasse virum quendam gravem & fide dignum:
Mulieri cuidam gravidæ, juxta murum ambulanti Lacertam
in pectus desiliisse; inde ipsam graviter consternatam paucis
post diebus peperisse fœtum in pectore carneam Lacertam
habentem. Non tantum autem hisce ex Antiquis Authori-
bus depromptis res potest reddi probata, sed & præter alios
recentiores magis Authores, viva & novissima nobis ad id
firmandum prostant Exempla: Recensebat enim mihi ali-
quando Vir Excellentiss. atq; Claviger. D. Nicolaus Eglingerus Medic.
Docz. ejusdemq; Theoret. P. Profess. Celeberrim. Reipublic. Basiliens.
Archistar, Experientiss. Patronus & Preceptor. Etatem devenerand.
Heic loci notam sibi esse filiam quandam, Murem in facie ge-
rentem, ex subito matri ab hoc Animalculo injecto terrore,
ipsi affixam. Item ex ejusdem Viri Excell. recensione suror
quidam uxori prægnanti non ita pridem, alterius ipsius
manus duos digitos, sibi à nativitate coalitos, ferroq; olim
separatos ostendit, ex qua ostensione uxor subito terrore &
horrore prehensa fœtum enixa est duobus itidem digitis ita
conglutinatis. Ipsem & ego novi filium quendam Erinacei
figuram in capitib; pilosa parte delineatam habentem, cuius
Matri, cum ipso cum grida fuissest Erinaceus vivus à pueris
ante pedes projectus fuit. Nota quoq; mihi est filia, cuius
Parens, ardenter vini rubri desiderio affecta, votoq; ino-
pinato potita, ipsam peperit maculâ valde rubrâ alteram fa-
ciei partem obtegente. Et quare hoc minus fieri debeat non
video quid obster, cum idem contingere soleat in brutis,
quanquam imaginationis, (quâ tamen & illa pollent, aliquo-
modo) exactitudine & firmitate hominibus multum ceden-
tibus; Quæ itidem minori cum vehementia Animi pathe-
matibus auscultare solent. Multa enim dantur exempla eo-
rum, quæ præter consuetudinem catulos suos sub alio co-
lore,

lore, ipsorum diverso produxerunt. Inter quae sunt oves Jacobi, quæ potatum eentes ex conspectu virgarum viridium Populearum & Amygdalinarum hinc inde decorticatarum, postmodum congressæ ex firma suo modo harum virgarum imaginatione foetus procrearunt coloris variegati. Genes. 30. Præter quod exemplum alia nævosorum brutorum foetuum haud sunt infrequentia, quorum si non singula, quædam tamen Matrum imaginationi sunt tribuenda. Si ergo brutorum imaginatio tales producere potest effectus; cur non similes ea Hominum! Tales omnino, imo frequenter multo stupendiores.

S. V. Nævi hi hactenus ab Authoribus dispisci consueverunt in protuberantes & planos: Ad quas duas Clases omnes eorum species referre fatigantur, quod, qui feri possit commodè perspectum non habeo; ad quodnam enim horum generum illi mihi reducent Exemplum illud Schenckii §. præcedente allegatum, foetus nimirum supremo labio carentis, ubi certè neque ulla præter naturalis observata fuit protuberantia, neque planities superficie corporis fuit læsa, sed solummodo quædam inter partes faciem vel os obsolventes defuit. Ergo non absurdum fore ducimus, præter illos Nævos statuere quoque defectuosos. Sed & quod pertinere censem id, quando Mater à fortuito in spectu magni alicujus ulceris vel tumoris ulcerosi, ita horrore vel terrore concutitur, ut in foetus corpore tale producatur ulcus, difficulter vel planè non sanabile prout habentur exempla; unde aliud Nævorum introduci genus posset; Excavatorum scilicet.

S. VI. Subjectum Nævorum Maternorum inhæsionis. Commune & indeterminatum est habitus s. superficies totius corporis. Nullam enim ferè inter externas & aspectabiles corporis partes, ab hisc exemptam esse observamus: ut pote illis in hisc subjectis locum sibi vendicantibus in facie & quidem ut plurimum: In aliis verò in fronte vel capitinis parte pilosa: Interdum in brachiis, Pectore, Dorso, Ventre, Manibus & Pedibus, &c. Subjectum cuivis Nævo proprium, Determinatum & adæquatum est illa pars, cui vitium specific inhæret, in quamq; tempore impressionis ab imaginatio-

ne ma- 107

ne matris determinatio facta fuit: Quæ, quomodo & cur in
hanc potius quam in illam partem fiat, inferius, explicatis
antea horum geneseos causis, monstrabitur. Vitia Partium
internarum ad Nævos referre indecens fore existimamus, quo-
niam illæ intra corpus existentes, à Matrum imaginatione non
sic, prout externæ lèduntur, remotæ utpote ab attractu, qui
ad determinationem signaturarum requisitum ferè necessa-
rium videtur, dum Mater subitis suæ Menti alienationibus
huic vel illi parti manum admovere, & si signatio sit, illam
partem virtutam evasisse observamus; Præterea Matres inter-
narum partium levem gerunt curam, utpote eas hiscē in casi-
bus extra periculum esse ducentes, sed de externis quōrum
ornatui & pulchritudini unicè student, magis, & sèpius an-
xiè sunt sollicitæ iisque propterea ex improviso species imagi-
natas applicant. Non est tamen negandum naturam in in-
ternis efformandis variè interdum ludere, verū quia virtus
ista non, nisi in sectionibus observari solent, nosque tunc an
fortè Morbus in causa fuerit, vel mala partis in ovo dispo-
sitio, vel vitiosa nutritio, vel aliud quid præter imaginatio-
nem, sub hunc censem non sunt vocanda.

S. VII. Sed quia nulla talis in foetus corpore absque
imaginatione contingit impressio, ex parte nostra erit, ut, an-
tequam ad Nævorum causas deveniamus, hujus rationem for-
malem aliquomodo tradamus. Quæ ad Clariſimi & Acu-
tissimi rieffent: mentem, in primam & secundam distinguitur;
Quarum primam nihil aliud esse dicit, quam ipsammet Ani-
mam, spectatam, prout peculiarium quorumvis præsentium
corporum Ideas admittere potest, eadem pro ipsorum natura
exactè repræsentantes, juxta certos ab ipsis corporibus, orga-
nis sensuum mediatè vel immediate admotis spirituum Ani-
malium cursus in Ovali centro excitatos. Secunda vero iti-
dem est Animæ potentia Ideas antea sibi oblatas, & in Cere-
bro hucusque absconditas objectis jam absentibus, solis Ani-
malibus spiritibus suo intra Cerebrum fluxu eadem vestigia
in ovali Centro rursus exactè referantibus admittens, quæ
Ideæ planè tanquam corporum præsentium exhibentur, minus
tamen vividæ. Sedem agnoscit Imaginatio Cerebri ovale

Centrum, quod cum corporibus striatis, tanquam sensorio communi tam arctum habet commercium, ut varios hujus motus, variae illius commotiones citissimè sequantur, & contrà. Ut sic contingente ab objecto sensuum, certo in spiritibus motu, imaginatio vel sponte succedat; si enim objectum tam validum est, ut levem spirituum efficiat undulationem, quâ objectum ope communis sensorij nos percipere sentiamus, undulatione quam paululum progreßâ tale vel tale corpus esse, ratione motus contingentis nobis imaginamur.

§. VIII. Præterea fœtum intra uteri parietes adhuc constitutum, independenter & quasi abstractè à Matre se habere non est credendum: Præterquam enim quod vitalitatem ipsi ab illa ope alimenti, Providâ Naturâ, per peculiares propterea fabrefactos ductus vasa umbili calia appellatos, eò transvecti, continuare sit datum; strictissimum adhuc inter illos sancitum est & inductum commercium, cuius vi Mater ferè nihil sibi proprij actionum animalium habet, sed illi cum suo fœtu omnia sunt communia, ita ut cùm Mater vel aliquid videat, audiat, sentiat; idem & videt, audit & sentit Infans: Gaudij item & tristitiae; Passionum & cogitationum inter illos est consensus. Sanguine enim & spiritibus, in quibus hæcc unio unicè consistit iisdem omnino fruuntur, & quicquid fœtus horum habet id Matri merito debet. Hinc tamen non est occasio sumenda credere velle, quasi fœtus de Anima sive Mente Matris participaret, quod absurdum valde foret; Talis enim Animæ communicatio & per traducem propagatio ab Aristotele credita non datur, sed propria cuvis fœtui, post quidē plenariam corporis ipsius factam organizationē, quando nempe corpus sic dispositum est, ut Anima in illud agere possit & vicissim, quod juxta aliquorum computum 45. circa fecundationis diem à Deo τε παντούσις ipsi præponitur Anima, eodem momento ac est condita, corporique præfixa eadem perfectione ac excellentiâ pollens, ac Anima hominis adulti.

§. IX. Hæcc, de qua dictum est aliquid, communicatio, qui contingat, arduum valde & difficile reverâ est explicatu. Juxta Clariss. & Perspicaciss. Willis: minori cum labore

bore opus expediretur, statuentem : Quando nimirum Gravida objectum aliquod sensuum ope percipiat illius ideam à spiritibus Animalibus ab illo perculsis ad sensorium communem statim deferri, reliquosque spiritus in corporibus striatis hospitantes commotos ad nervorum appendicem deferri, perque eum ad partes demandari, atque per fibrillas sanguivehis vasis implantatas sanguinis massam subire, & cum ipsa ad uterum pergere ; ipsosque itaque cum sanguine permixtos, & per vasa umbilicalia ad foetum usque penetrantes, & ad illius cerebrum pervenientes, spiritibus in eo fabrefactis characterem in cerebro materno suscepturn communicare. Quod (inquam) conceptu haud foret difficile, si solummodo illum, quem statuit spirituum per nerveas fibrillas vasis implantatas in sanguinem ingressum recipere auderemus, quod nobis magnum nimis quod inde sequeretur spirituum Animalium dispendium, & eorum in corpore circulatio, quam tamen nemo ferè ratam habet, & quæ verisimilis nobis non videtur, dissuadet. De alia igitur commercij hujus explicatione solliciti, dicimus, illud quidem peragi ope spirituum ad uterina vasa affluentium, non verò ed per fibrillas nerveas transplantatorum, & cum vitalibus sanguinis mixtis, copiosius postea in foetus cerebro secretorum quod primo quidem intuitu conveniens fore existimatur, sed cum perpendatur textura spirituum Matris, cum eadem foetus, eorum certè diversitas facilè eluiscit ; ita ut etsi vasa ad foetum obeuntia tantum à Mater spirituum acciperent vestigal, non tamen multò major eorum copia in infantis cerebro secerneretur, utpote eorum textura parvulo huic cerebro disconveniente : Contingit ergo hæc communicatio verisimiliter sequenti modo : Quando nimirum Mater vel cum levi attentione, aliquid sentit, audit, videt, patitur, imò paulò seriùs de quadam re cogitat, peculiaris & aliquantulò major intra Cerebrum, spirituum fit agitatio, ita ut spiritus aliquomodo excitati pleniori paulò jubare nervos irradient & per corpus influant, non quidem ita, ut in levi sensatione, manifesta in corpore Matris observetur eorum determinatio, vel sanguinis agitatio, quod tamen in perceptionibus nimirum affectu quodam concomitatis fit mani-

festum. Ita enim videmus quod non solum vultus, Os, Frons,
Oculi, sed etiam vox ipsa, manuum, cervicis & totius penè
corporis motus, animi commotionem prodant & adjuvent.
Sic perturbationes Animi, imò & vitia ipsa extrinsecus se
produnt. Hinc Salomon Prov. 6. Homo apostata, vir inu-
tilis graditur ore per verso. Non enim verba actionibus re-
spondent; Annuit oculis, terit pede, digito loquitur, pravo
corde machinatur malum. Sic si quid mirabile jucundi &
inexpectati sese imaginationi sistit, oritur cachinnus. Ita pu-
dore suffusis solet rubere facies. In ira itidem vultus rubet
oculi ardent, pulsus est crebrior & vehementior. Audacia
quoque Animum addit, & magna ultiōnem vi aggreditur.
Hinc tolluntur supercilia, fronsq; adducitur, &c. In Timo-
re & metu spiritus in pedes fluere solent, & sic fugæ studetur.
Ad objectum amabile Brachia extendimus. In Libidine spi-
ritus versus genitalia membra magis vergunt. Et quæ alia
sunt manifesta affectuum symptomata, quæ cum recensitis
nostrî propriè non sunt loci. Ex hiscè tamen colligere licet;
in sensatione simplici in qua vel nulla observatur alteratio,
spiritus nihilosecius motu paululò magis peculiari versus u-
terina vasa ruere, sanguinique specificum motum imprimere,
eumque per vasa appropriata Cerebro fœtus affluentem eo-
usq; retinere, ibidemque ejus fibrillas modo determinato mo-
vere, spiritibusq; in Cerebro existentibus & jam secretis, pro-
pter affinitatem quam cum iis quæ sunt in Cerebro matris ha-
bent ideam ab ea conceptam imprimere, & sic eandem in utro-
que cerebro efformari imaginationem.

S. X. Sicuti autem Deus in suis operibus nihil omni-
nò unquam frustrà agit sed omnium suarum creaturarum sin-
gulas certo & peculiari præfixit usui, prout id observare facile
est in Amplissimo Naturæ campo s. Macrocosmo: Quàm
multæ enim ibi inveniuntur herbæ, quæ viles aliâs & abje-
cta videntur? Quàm magnus omniviorum insectorum nu-
merus? Grandis quàm Mineralium acervus; & innumera
aliarum sub sole reperibilium rerum series; imò abjectissima
Animalium excrements? Quæ omnia præcipue ad usum
humanum δοτ̄ της κοσμου γεγόνεαν sic suēre instituta. Sed
non

non ille minus in extirpatione Microcosmi suam omnisapien-
tiam detegere voluit: Ibi enim videtur, quomodo una pars ad
alterius comodum sit formata, quomodo omnes actiones exactè
invicem respondeant, & tandem singulæ earum in usum publi-
cum cedant. Ita neutiquam est credendum, quasi hæc à natura
inter Matrem & fœtum sancita communio, et si sèpissimè si in
ordinatio imaginationis Maternæ accedit, fœtus extinctionis
& Monstroſi, nævosiq; partus sit causa, frustra sit sancita &
inducta. Haud enim levem illa in fœtus gratiam secum fert
utilitatem. Ab illa enim dependet, quod fœtus nascatur Pa-
rentibus plerumque similiſ: Satis enim frequens est videre
integras familias, quarum proles, cognitis solummodo Parenti-
bus, dignosci, & ad illas referri possunt; & certè nisi matres
tot externalorum objectorum firmis imaginationibus effent oc-
cupatae, fœtus dubio procul ipsarum figuræ satis similes pro-
crearent, & ipsarum typum exactè referentes. Non solum
autem hæc communicatio in externa fœtus forma effectus
suos ostendit, sed & naturales Matrum habitus & inclinatio-
nes per eam in liberos transferuntur: Sic si fæmella quæ-
dam à natura pedibus sit celeræ, & ad choreas ducendas, ge-
sticatoriosq; ludos maximè sit inclinata & disposita; Libe-
ros procreabit ejusdem dispositionis & inclinationis, quibus
si postea exercitium & manuductio accedit, versatissimi certè
in hisc evadunt. Sic si quædam sint Matres callidæ & ver-
sutæ à natura indolis, earundem liberi callidi & versuti (si
nimirum gestationis tempore matri nihil, quod hanc disposi-
tionem in vestigiorum Cerebri certa configuratione consisten-
tem pervertat & aboleat) evadent. Ita se res habet cum iis
quæ à natura stolidæ sunt. Ita quod huc quoque pertinet,
integram dantur familiæ caseum aversantes, èo quod ipsarum
Matres odio illum haberent: Sic canes venatici catulos eni-
tuntur feras similiter infestantes. Sic oves cunctæ fugient
Lupos. Hæc tamen quæ de naturalibus habitibus sunt ve-
ra & experta, non obtinent de habitibus acquisitis: Ita Ma-
ter quæ exactè callet Musicam vocalem, quam tamen edidi-
cit coactè, neutiquam concipiet fœtus eandem tenentes artem
& sonos eodem modo modulantes, quoniam vestigia illa in-

tra Matris cerebrum utpote acquisita, non sunt tam altè ex-sculpta, ac sunt vestigia naturalia, ideoque etsi illa Infantis Cerebro communicentur, non tamen profundè satis illi imprimun ur, neque firmiter ei inhærent, sed à vestigiis ab aliis rebus frequenter insculptis sensim delentur, neque semper aperta tenentur, prout illa quæ sunt naturalia, cùm è contra spiritus, naturalia continuò ineant, & sensim profundiora reddant, illis relicitis clausis, usquedum illa res à qua sunt formata, Matris sensibus, vel Imaginatio ni obver-setur, & ita foetu ex utero enixo, & efficiente causâ remota paulatim evanescunt, spiritibus interea, naturalibus viâ tanquam regia spontè incidentibus.

§. XI. Sed è diverticulo in viam, positis enim & stabilitis in præcedentibus Nævorum quibus inniti solent fundam entis, ad causas illorum proximam sive continentem & efficientem simul pergimus, quarum illa cuiilibet eorum spe ciei peculiaris est & propria, ita ut propterea omnes Nævorum differentias revidere, eorumque singulis suam tribuere causam oporteat: Nævorum qui fœdo cutim colore detur pant, & in nigra vel fusca aliqua consistunt macula, majore vel minore; causam agnoscunt cutim hispidam aliquomodo & scabram, pororumque cutaneorum laxitatem & amplitudinem, ita ut tum ob asperitatem superficie radii luminares non possint, eadē lineā quā inciderunt ad oculum reflecti, sed aliquomodo refringi necesse habeant; hæc verò causa sola tantam cuti non causaret nigredinem, nisi accederet adhuc pororum dilatatio, quæ radios absorbens illos reflecti non patitur. Et hæc duo hujus rei causam esse illi nos convincere possunt, qui multū sub sole ambulant, quorum cutis livida tandem tota evadit; item pilorum in illis parti bus excrescentia, & nigrorum corporum aliorum respectu le-vitas. Fitque hæc nigra cutis macula, quando Mater ab aliquo ejusmodi coloris objecto terrore affecta similem Ideam fœtus spiritibus imprimit, qui recepto hocce cha-ractere in determinatam partem cum impetu proruunt, humores ibi existentes vehementer propulsantes & per poros,

eos

eos dilatando dissipantes, qui propter eorum incongruitatem fibrillas quasdam disfringentes cutis scabrietem, pororumque dilatationem & amplitudinem in quibus talium Nævorum ratio consistit causant. Macularum illarum flammearum & rubrarum, occasione vini rubri excitatarum causam puto sanguinem illam corporis partem largius alluentem, & cutim teneriorem & transparentem existentem. Sanguis enim ex lege naturæ omnes, etiam remotissimas à corde partes purpura sua aspergere debet, unde dependet floridus cutis nostræ color, sed cum in aliqua corporis parte arteriosa vascula proportionaliter sint ampliora, venosa è contra angustiora, sanguis majori copia per ea affluens à venis omnis recipi nequit, hinc moram diutius trahens, concurrente cutis teneritudine eam sub purpuræ facie conspicere facit; talis autem vasculorum cutisque textura à spirituum ab hac determinatione produci facile potuit. Cùm enim Mater vini rubri desiderio intensissimo flagrans, voto suo inopinato poteretur, summo certè gaudio affecta Animo subsultavit & præ laetitia faciei manum admovit eamque fricavit, spirituum cum sanguinis subsequuto rapido motu sœtum versus Ideam vini antea juxta hypothesis nostram jam habentem, novaque ob exortam in Matris mente gaudium, manusque applicationem, in ipsius spiritibus facta determinatione, quæ certa spirituum illuc ablegatio sanguini vehementem imprimens motum arterias dilatavit, cutimque aliquomodo extendit, quam texturam deinde partes illæ servantes, rubicundam cuti colore conciliarunt. Protuberantium Nævorum causam dicimus consistere in relaxatione fibrarum cutis carnearum, quæ pro diverso relaxationis modo, succum nutritium vel sanguinem majori copia admittentes cutim sublevant & variarum figurarum excrescentias ei imprimunt, pro diverso spirituum, juxta receptam in cerebro Idæam modificato influxu. Inconveniens pilorum ab imaginatione in hac vel illa parte excrescentia causam agnoscit pororum illius loci ampliationem, illa enim loca in quibus pori cutanei angustantur pilos non protrudunt, quod videre est in locis cicatrizatis, quæ cùm antea pilis fuissent constata, postea ob carnis firmio-

firmioris generationem depilia plane permanent: Frigidī quoque Temperamenti homines pilorum copiosā proruptiōne non multū molestantur, quod de sequiori sexu utpote talibus obtinet; dum ē contra virorum & aliorum qui calidi sunt temperamenti corpora imprimis verò mentum cum genis & pectore pilorum serie conspersa sunt conspicienda. Quæ pilorum proruptio à spiritibus Animalibus eorum characterem suscipientibus, glandulasque ad pilorum nutritium succum majori copia admittendum disponentibus adscriben-da. Ulcerosos Nævos pro judicio nostro sequenti modo fieri existimamus: Matrem nimirum Hominem aliquem in certo corporis parte fœdum ulcus gerentem conspexisse, à cuius aspectione illa terrore horroreque correpta spiritus vehementi motu in illum locum præsertim demandavit, & forsan dolorem aliquem ibi percepit; sed cum fibræ in Matris corpore validæ nimis fuere, quam ut earum ruptio potuisset contingere; factum est ut dum Infantis spiritus eandem receperint Idæam, è solio suo impetuose prosilientes in illam partem, fibrasque teneras & molliusculas ibi invenientes illas vehementiore hoc appulsi diffingrerent, & vulnus primò producerent, quod postea humoribus extravasatis ac putredinem contrahentibus in ulcus degenerabat. Eodem prorsùs modo factum fuisse illud vulnus, quod Cornelius Gemma nobis refert, cuius casus descriptionem superiùs §.II. tradidimus, putamus. Et quod talis fiat spirituum in illam corporis partem influxus, ei quam in objecto malè affectam & in nobis affectum excitantem videmus, respondentem parti, multiplici nobis confirmatum est experientia, Idq; præter alia Exempla firmiter nobis probat illud Cl. Malbranchij, ab Amico ipsi rescriptum: Sene quodam (inquit ille) qui apud sororem meam degebat, ægrotante; factum est ut Ancilla candelam admoveret, dum ipsi (Ægro) venæ pedis inciderentur, simul ac illa scalpellum vidit infixum tantus pavor ipsius invasit artus, ut per triduum aut quatriduum in eodem pedis loco, quem viderat incidi, senserit dolorem adē acerbum, ut per illud tempus in lecto decumbere coacta fuerit. Cūm itaque tale quid in Matris corpore contingere potest, & reapse contingit,

tingit, sequitur ut juxta hypothesin de communicatione inter Matrem & foetum stabilitam idem multo magis in Infantis corpore eveniat, quod cum tenerum, si non instar ceræ flexile sit, seq; ad violentos spirituum determinationes variè flectere & figurare sinat, omnes ei impressos nævos ex hocce principio, quantum licet clare explicare possumus.

§. XII. Causam remotam internam quaerimus in imaginatione, absque enim illa nulla unquam foeti contingere potest signatura nævus Maternus dicenda. Et licet hæc sola heic in causa sit, non tamen omnis & quævis ea virtute pollet, sed Matris imaginatio solū: Eximenda itaque est ea ex parte Patris, contra Authoritatem Aristotelis, Plinij, Avicennæ, plurimorumque veterum Authorum, quorum circa hanc rem hæc fuit opinio: Nimirum quasi species Phantasticæ in congressu per nervos communicentur semini, quas postea eocum in Uterum ejaculari, Muliebrisq; semini communicari, & conformaticem sic dirigere crediderunt. Quibus quidem concedimus spiritus Animales objecti imaginati characterem recipere, & ab eo motum magis speciale sibi contraherere, sub qua motu specie per nervos quoque ad vesiculos seminales, unde semen in congressu unicè excernitur abiens, ipsarum fibras ad majorem vel minorem, vehementiorem vel debiliorem contractionem instigare potest, quæ tamen non est apta genitalem liquorem taliter disponendi, ad foetus staminibus, præter motum, aliquem imprimendum characterem, talis enim imaginatio Auræ seminali majorem imprimere motum non valet, urpote antea jam maximè, & spirituum Animalium ad instar activæ, neque motum illius ita specificè potest alterare, ut illa alteratio potis sit foeturam nævosam ex ovulo producendi, etenim si hoc esset, impressio, à semine contingere debita, non posset occupare unicum & quidem tam exiguum locum, sed potius totum Ovulum cum suo contento male afficeret, & sic fecunditatem ipsi auferret, vel monstrum inde produceret. Fieri enim nequit ut peculiaris hic feminis motus, tam delicatula atque tam exigua offendens foetus stamina, ad certam partem, cum nulla ibi detur vis directrix, unicè vergat, quin potius in omnes partes indi-

scrimitatim vim suam exerat. Manet ergo juxta nos Matris imaginationem solummodo foetum signare posse.

§. XIII. Neque heic existimandum est omnem indifferenter Matris imaginationem tali pollere virtute, sed eam solummodo, quæ Animi Affectibus est comitata. Conspiciat enim Gravida tabulam, in qua depicta sunt turpia Animalia. Leones trucibus oculis, magnis unguibus & acutis dentibus prædicta; aut adspiciat Leonem & Ursum vivos, sed absque aliqua mentis alteratione, ita ut eorum imaginationem nulla sequatur Animi passio. Sic si simpliciter & absque commutatione intueatur mures per pavimentum cursitantes, vel si ejus oculis obversentur amoeni fructus, quorum etsi pulchritudinem attento intuitu consideret absque forti desiderio, nullam foetui læsionem id causabit: Verum quidem est, quod secundum principium nostrum, foetus circa hæc imaginacionem suam æquè formet ac Mater, sed quia illa nuda imaginatione subsistit, neque passione aliqua inde se obrui patitur, spiritus extra ordinem non perciti, & in foetus cerebro tranquilli manentes nullam in corpus violentiam exercent. Cùm verò Mater fortuito alicujus objecti intuitu, de quo aliâs ipsi metuendum non foret, animi Pathemate fortiter percellatur, ita ut spiritus in seditionem inde adacti cum furore in partes ruant, varia ex hac occasione in tenello corpore stigmata inuri possunt.

§. XIV. Inter Causas externas, Procatarcticas & occasionales referri possunt omnes omnino res quæ aliquem in nobis producere possunt affectionem: Sint Bonæ, sint Malæ; Naturales vel præter naturales; Animatæ aut inanimatæ; Præsentes sive absentes, etsiam si nihil ex sua natura in se habent quod aliâs patheticè nos afficeret posset: Verum nulla ferē res est, quæ non, vel nostri, vel sui ipsius respectu ad passiones nos disponere queat: Nostri respectu, quatenus objectum aliquod proposito, vel quatenus illud fortuito aspicimus: Vel quâ illud consideramus tanquam Bonum vel Malum. Si ex proposito aliquid intueamur. Illud quatenus per se naturæ nostræ est Amicum vel Inamicum, ita etiam imaginari nobis possumus. Si verò ex improviso aliquid nobis obveniat,

hunc

hunc vel illum sensum afficiens, judicium de illo præcipitanter nimis ferimus, & statim si illud nobis malum & noxiū videtur, Terrorem, si verò bonum & utile subitaneum gaudium inde concipimus. Respectu objecti ipsius, quatenus illud afficit vel sensus nostros externos vel internos. Externos si præsens, Internos verò si sit absens. Objectum præsens si nobis revera sit conducibile gaudium & inclinationem. Absens tale Desiderium. Malum præsens Terrorem Absens verò Timorem causat.

§. XV. Causarum Labyrintho egressis una & altera nobis restat decidenda quæstio: Prima est (cùm dictum sit Imaginationem Animi Pathematibus comitatum fœtum solummodo signare) quænam sint illa pathemata quæ fœtui nævos imprimere valent, vel num omnia eam vim habeant. Ad quam respondendum venit, illas hoc facere Passiones quæ spirituum motum validius accelerare possunt, ex quorum censu mihi videntur esse: Gaudium, Ira, Desiderium & Terror. Igitur quia non omnem Imaginationem unus ex his Affectibus sequitur, non omnis etiam fœtum signare potens est. Nulla tamen contingit ferè in nobis imaginatio quæ non ullum Animi affectum pedisse quam habeat, qui cùm sit unus ex quatuor recensitis, & quidem non inferiore, sed superiore gradu, characterem fœtui imprimet, majorem vel minorem, magis vel minus observabilem. Quod autem quatuor enumerati hi affectus hoc præstare possint, id præter rationem Experientia nos docet: Non enim rara sunt illa Exempla, ut Gravidæ vel propter rem aliquam desideratam, ipsis denegatam, vel propter possessam ablatam, ita indignentur & irascantur, ut spiritus tumultuosè concitati, & in corporis partes, vel omnes eadem rabie, vel unam determinatè, impingentes Infantis spiritus, interveniente motu sanguinis, propter ejusdem rei imaginationem eodem furore concitent, qui postea Nævum rem eandem assimilantem, indeterminata parte insculpunt, vel etiam quandoque totum corpus informe & monstrosum reddunt. Ratione id constare debet, qua edocisti scimus, illum affectum fœtui majus minari periculum, qui spiritus vehementius exagitat, id quod de Ira planum est.

Subitum Gaudium quod illud possit, confirmant illæ, quæ
fructum aliquem magnoperè & diu desiderantes, inopinatò
illam sibi offerri vident, quæ oblatio subitum ipsis gaudium
concilians, fœtui ejusdem figuræ nævum affigit, id quod mea
sententia gaudio potius subito, quam verò desiderio intenso
juxta alios adscribi debet. Quamvis verò fortasse quivis
mihi concedat, duos hosce affectus fœtui Nævos conciliandi
vim habere, id tamen mihi quoque concedendum erit, eos
tam frequens non signare, quam verò alteros duos affectus,
Desiderium nimirum & Terror, à quibus omnes ferè fœtuum
Nævos vulgus studet derivare, & unde reapse sunt derivan-
di: Desiderium quod tales habeat virtutem, id minimè jam
quondam latebat binos illos Medicorum Antesignanos: Hyp-
pocratem & Galenum. Etenim Hippocr. Libr.d. superfœtar-
dicit: Si Mulier Gravida Terram aut Carbones comedere de-
sideraverit, eademque comedat, in capite pueri notæ à talibus
apparebunt. Galenus itidem libr.d. Theriac ad Pisonem
dicit: Mulieres pulchras proles habere desiderantes, eas ali-
quando acquirere, si pulchras picturas intuitæ fuerint; qui-
bus verbis hoc saltē innuit, solum & nudum desiderium per
se fœtum posse signare, & non semper id facere propter alias
passiones ipsum consequentes. Mirum verò non est deside-
rium quandoque ad fœtus signationem concurrere, cum Gra-
vidis iste Affectus sit valde frequens & intensus, quo in cibos
quandoque, sèpius & alia, longo tempore feruntur, ut patet
in Pica. Ardens tale desiderium Nævum imprimere posse
haud difficile est evictu; Dum enim Mater E.g. fructum ali-
quem pictum vel vivum in imaginatione sua altè abscon-
deat ejus habendi flagrantissimo desiderio simul detenta, eun-
dem & fœtus imaginatur, desideratque, & si propterea mater
spiritus suos turmatim atque determinatè in corpus ableget,
idem in fœtu contingere non est dubitandum, sed cum ejus
corpus tali impetu resistere nequeat, oportet vestigium ob-
jecto simile in ipsius corpore relinquatur. Magis autem si-
gnatur Infans cum Mater re desiderata potiri non potuit,
quam è contra. De Terrore, qui omnium Affectuum fœtum
signat frequentissime, nihil habemus cur miremur, utpote-

cum

cum sit Affectus omnium maximus & efficacissimus, valde repentinus, humores & spiritus summo impetu movens, & omnes facultates maximoperè turbans, fœtuiq; præprimis infensissimus hostis; Ille enim spiritus ex improviso obruens eos gravissime consternit, sed qui se recolligentes eodem ferè momento majorem invasionem faciunt, prout id testari nobis possunt illi, qui ab aliqua re deterriti, dolorem percipiunt in pede, vel brachio aliaq; parte, qui dolor certè nulli rei, quām verò spirituum impetui potest adscribi, cùm verò spiritus in Terrore tali motu concitentur, oportet ut ejusdem motus naturam etiam ille sanguinis sequatur, qui ad Uterina vasa deveniens ipsi sanguini & spiritibus fœtus communicetur, qui spirituum & sanguinis motus, nisi abortum (quod plerumque fit in terrore graviore) efficiat, characterem fœtui imprimere valet. Non solum autem quatuor enumerati Affectus fœtui Nævum imprimere vim habent, sed & eorum adhuc alii, v.g. Amor, Venetudia, &c. de quibus etiam habentur exempla, paulo tamen rariora & quæ hic affirri superfluum fore duximus.

§. XVI. Ast cum de Affectibus, si ad nævos fœtui imprimendos debent concurrere requiratur, ut sanguini ab Utero versùs fœtum abeundi peculiarem conciliant motum, qui verò aliter non potest effici, nisi interventu spirituum Animatum ad quævis sanguifera vasa abeuntium, obstare tum videtur circa Terrorem, quod vulgo de illo dicatur, ipsum spiritus à partibus externis versùs internas vel principium suum movere, quod cùm verum sit, eos quoq; in illo ab utero recedere debere, & sic nullam in fœtus corpus vim exercere posse. Ad quod respondere oportet, id quidem verum esse de quibusdam Hominibus, in quibus Terrore affectis observantur, faciei pallor, pedum tremor, Horripilatio & alia symptomata, spiritus organa derelinquentes arguentia; cùm verò in aliis è contra observari soleant faciei rubor & cordis palpilatio, quæ non quidem causæ mox allatae, sed contrariae adscribenda sunt, (hæc enim potius à vehementiore spirituum in cor influxum deducenda esse existimamus) inde manifestò viderur eundem Affectum primo diverso modo in diversis subjectis spiritus movere posse, quod etiam planum evadit in Ira, quæ in

hiscè Hominibus faciei Pallorem, in aliis verò ejusdem ruborem efficit. Etsi tandem concedatur hanc spirituum extre-
morum derelictionem generatim esse veram, considerari ta-
men deberet, spiritus si ab aliis, v. g. externis partibus re-
cedant, in alias, internas scil. copiosius influere necesse ha-
bere, & sic necessariò etiam ad Uterum, utpote qui ab eo-
dem nervorum, octavo nimirum & intercostali, pari, cum
corde & aliis visceribus propagines recipit. Alia ex hac ex-
plicatione exurgit difficultas, quomodo scil. in externis par-
tibus fœtui possint nævi imprimi, cùm fœtus spiritus, qui
sunt eorum causa efficiens, eundem observare debeant mo-
tum cum spiritibus Matris, qui si ad interiora recedant, id
quoque in illis contingere debere, & hoc modo nævum im-
primi neutiquam posse. Quæ difficultas ita tolli mihi vide-
tur, nimirum dicendo, hanc spirituum in interioribus mo-
ram non diu durare, quin illi se recolligentes paucis post
momentis pristinam determinationem resumant & majori
impetu externis partibus impingant, sicque stigma rei ima-
ginatae simile fœtus corpori inurant.

S. XVII. Nova heic occurrit Quæstio, cur scil. eadem
res imaginata non semper & in omnibus subjectis eundem
imprimat Nævum, sed sæpius diversum. Ut dum aliquan-
do Cerasa, Mora desiderata exprimuntur solummodo colo-
re, & maculâ aliquâ rubicundâ; interdum productâ substân-
tiâ carneâ, rotundâ, coloratâ vel non coloratâ. Sic dum
Animalia, à quibus Mater Terrorem concepit, interdum
exprimit sola cicatrice in fœtu producta, istum vel morsum
referente; interdum pilis productis, pellem Animalis obscu-
re referentibus, quod sæpius apparet, quando Mulieres à
Gliribus aut Muribus perterritæ fuère. Interdum excrescen-
te aliqua substâtiâ carnea, illius Animalis similitudinem
reddente, ut Mulier illa à Lacerta territa. Dum interdum
tandem à Gladii istu terrefacta mox vulnus fœtui infligit,
mox verò cicatricem solummodo imprimit &c. Quamvis
revera difficilis sit & ardua in hujus rei causam inquisitio,
non tamen propterea presso ore quæstionem relinquere, sed
potius eâ quâ possumus diligentia in illam inquire oportebit:

Diver-

alii verò spissiori
ur hanc spissiori
se veram, confundit
g. extansus perim
volutus inducere tend
erum, utper quā
& intercostali, pā
s recipit. Alio eti
modo scil. in expon
i, cum fetus spiss
em obseruantur debet
i ad iuxtamis credi
, & hoc modo ter
nificatas ita nulli m
ritum in iuxtamis
se recolligentes pa
titionem relinquit
gan, sicutus figura
ant.

Quia, certi
i omibus hispīs u
diversum. Ut hanc
primantur solūm
; interdum potius
vel non coegerit
errorem conceptus
reducta, ita ut se
cū, pellē animi
apparet, quando hanc
fatu. Interdum vero
illius anima ē in
terna terria. Den
i met vident fructu
modi invicti laq
e hanc nō cū pellē
in oīcūm reprobatur
in illam pellēm

Diversitatis autem hujus rationem quærimus, prīmō in diverso
res imaginandi modo, oportet enim, ut, si imaginatio hoc
in casu effectum sortiatur is fiat, ad normam ejus circa quod
illa maximè & præcisè fuit occupata, quodque præ cæteris
objecti qualitatibus & attributis effectum excitavit. Con
tingere enim potest, ut si gravida fructus aliquos intense
desiderans, iisdem inopinatō potita magno afficiatur gaudio
propter admirandum illorum colorem, & tunc in illius fru
ctus colore consistet Nævus, si quidem Imaginatio cum effec
tu non adēd fuērfortes, & fetus partui fuit proximus. Sic
Mater à Fele, Cane aut alio Animali deterrita, non quidem
propter turpem & foedum ipsius pilorum colorem, sed potius
propter metum alicujus morsus, Notā aut Cicatrice vulne
ris signabit foetum magis quam pilorum excrescentiā; si ve
rō Imaginatione adverbi pilorum coloris terretur, in pilorum
potius productione Nævus consistet, & sic de omnibus. Al
teram rationem quærimus in Imaginatione cum Animi Pa
thematibus fortioribus vel debilioribus, ad hoc enim produ
cendum major requiritur spirituum Impetus & Allegatio
quam verò ad aliud, cum facilius producatur Nævus minor
quam verò major; facilius lœvis aliqua rubra macula, quam
verò major quædam protuberantia. Tertiam causam tandem
tribuimus tempori impressionis diverso; minor enim requiri
tur vis ad impressionem faciendam in corpusculo teneriore
& molliusculo, quam grandiore & fortiore. Si enim Ima
ginatio sit fortis, & fetus pauciorum septimanarum, magna
hieri potest impressio, quæ non ita, si fetus sit adultior &
firmior. Et haec tria sunt, quibus adscribi posse existimamus
diversitatem Nævorum, quos idem objectum in hoc subiecto
insculpit potius quam in alio.

S. XVIII. Succedit nobis tempus Nævorum Impres
sionis determinandum, quod dubio procul est totum gesta
tionis tempus, non quidem à prima conceptus hora ad par
tum usque, sed ab eo tempore, quando foetura in utero exi
stens manifestis cum Matre vinculis incipit conjungi, & par
tes, Cerebrum imprimis sunt plenè formatæ, Embryo enim
in Ovo intra uteri terminos contentus, nec per placentam &
umbili

umbilicalia vasa utero conglutinatus; proprio intra tunicas suas nutritur Alimento, nullam cum Matre communicacionem habens: quām primum autem uteri parietibus, placente & vasorum umbilicalium ope est affixus, tam arctum cum Matre init feedus, ut nisi illius subsidio vitam continuare nequeat, utpote à qua humores, spiritusque suos feneratur; & mox ab hoc tempore, quando scil. fœtus nomen sortitur, Matris Imaginationis vitiis, (Nævis) deturpari incipere, & huic afflictioni ad partus usque tempus subjectum esse credimus, exemplis per totum hoc tempus observatis suffulti, quamvis imaginationis vitia in primis mensibus abortūs plenumque causa existant, minus verò ultimis mensibus. Conceptus tempore Nævos effici posse non concipimus, Mater enim tunc temporis spiritus ferè omnes generationis organis impendens ad objecta externa non multum attendit, nec obiectorum antea imaginorum eo tempore reminiscitur. Et quamvis Mater affectu quodam gravi illa hora obrueretur, vix tamen ille majorem & magis versūs uterum determinatum spiritibus imprimere posset motum, eo quo in actu venereo illuc amandantur. Posito tamen Matrem tam firmam & fortē formare Imaginationem, quæ aliæ satis foret, ad signaturam fœtui causandum, persuasu nihilominus difficile est credere, nævum illam producturam tantum, quin magis monstroso partui, vel in fecunditatē ansam præbituram, spiritus enim magna rabie ovulum offendentes Embryonis delineationes tenerrimas, & oculis quoque Lynceis haud perceptibiles, si non annihilarent & pessundarent, confusè tamen illas disponerent, & sic monstrosi partus productioni fores panderent.

§. XIX. Alia adhuc, non quidem præ cæteris minus spinosa restat explicanda quæstio: Cur sc. Nævi Impressi non in eadem semper, sed in diversis exurgant partibus? Etenim mox perterrita Mulier à lacerta ipsius pectus insiliente illam partem signat; mox à mure terrefacta nævum imprimit Genis. Alia fructuum desiderio æstuans signaturam exsculptit in fronte, dum aliæ eas affigant Brachiis, femoribus, cruribus vel etiam natibus, &c. Ad quam responderi debet; Illam partem

partem Jure tentari circa quam imaginatio vel unicè vel maximè versabatur. Mulieres enim cum re terrifica, Amabili, &c. Simul coimaginantur aliquam ex corporis partibus vel in considerando & casu, vel quatenus Gravidæ notum compertumq; habent, Pathemata ipsorum fœtibus exitiosa, aut noxia esse, eos vel extirpando, vel maculam ipsis inurendo, illorum ideo pulchritudini studentes, mox, imo ut plurimū & imprimis de facie, mox de alia parte, quæ rei imaginatae ab Homine vel animali desumptæ responderet, timent. Quandoque locus determinatur ab ipso objecto, se uni alterivè parti applicante, ut à Lacerta Mulieris pectus insiliente, quæ attactum ibi contingentē persentiens, necessario mentem cum spiritibus illuc applicavit, quod idem contingens in fœtu characterem illi parti impressit. Ratio autem cur nævi diversis partibus & quidem frequentissimè faciei imprimantur, magis generalis, est derivatio quæ fit à Matre, mediante manūs alicui parti applicationis & fricationis, assuetum enim hominibus & imprimis foeminae est, in Terrore, Timore, subita Lætitia & ejusmodi Affectibus faciei manum admoveare, vel caput fricare, unde tunc Nævus in illa parte conspiciendus præbetur. Non solum enim Imaginatio circa illam partem maxime occupatur, & idem spirituum manipulos præprimis illuc amandat, sed & spiritus propter partis attrectationem & fricationem in illum locum sponte se projiciunt. Et idem non malè monentur gravidæ, se se in aliqua parte occulta & ignobiliore fricare, cum aliquid insoliti & terrifici vel horrendi vident, vel aliquo violento motu rapiuntur, ut Nævus ignobili illi parti infligatur, facie illæsâ, quæ derivatio revera experientia teste sic solet contingere, & quidem mediante illa fricatione, qua papillulæ nerveæ violenter titillatæ spiritus abundé illuc prolixiunt, ita ut idea rei imaginatae ibidem loci & non alibi imprimatur.

S. XX. In Prognosi Nævorum, plurimas de iis spargentes nugas, multa inde auguria, ex superstitione mente, & Parum philosophicè formarunt Philosophi & Physiognomici veteres. Multa enim infortunia futura, violentos exitus, & alia ejusmodi farinæ ex iis præsagierunt, minus verò præviderunt,

derunt, & idē imprimis, quoniam ex Astrorum conjuncturis eorum originem crediderunt; Sed nos hanc eorum causam rejicientes & aliās Astris nihil tribuentes in Prognosi facienda tam temerarii non sumus, sed caute & rationabiliter quoad eorum præcognitionem judicium nostrum formabimus. Dicimus ergo Nævos, cūm inter Symptomata illi à nobis referantur, quā talia nullas lādere actiones, nec iis aliquid minari mali. Interdum tamen ut causæ se habentes eas lādere posse. Cæterū illi nihil alunt periculi, & præterquam quodd formositati derogent vel nihil incommodi corpori afferunt. Interim curatu sunt difficiles, & quandoque, præsertim in adultis incurabiles, & eorum cura remediis vehementioribus & corrosivis peragi debita, sæpius evadit periculosa; In infantibus tamen multoties procul discriminē tolluntur.

§. XX. Avidum cūm sit humanæ vitæ genus scire remedia, cuncta corporis sui mala, non solū graviora & interna, sed & omnes affectus præternaturales externos, præsertim verò eos quæ Amœnitatis vultū speculum obnubilant atque conspurcant, & inter illos etiam valde ipsis execrables in facie conspiciendos Nævos proscribere; Illorum idē examine theoretico hucusque peracto, Curæ quoque diligenter studebimus. Indicationum quidem non omnia nostros affectus tangunt genera; præter enim Præservatoriam atque Curatoriam nulla heic in usum venit vocanda. Quæ enim à viribus desumitur, illis utpote integris & illæsis persistebus exulari debet; Itidem & Mitigatoria sive Symptomatica, quoniam nulla illi accersent & post se relinquunt gravia & urgenter Symptomata.

§. XXII. Diaëticam curam nobis etiam in curando Nævos productos adminiculi aliquid, & corpori affecto solatii afferre credimus, maximè illos in quibus unitas est soluta. Aér ergo sit purus, clarus, nullis inquinamentis & acribus halitibus inquinatus, non frigidus, sed ad calorem magis vergens & rarus potius quām crassus. Cibi sint dulces, *λεχυμοι* & *ληπτοι*, atque pauci. Potus naturæ & ætati conveniens, utilissimus erit decoctum aliquod vulnerarium ex Herbis talibus, vitetur verò acidus & falsus. Reliquæ ex n.n. rebus

rebus medio modo se habeant. Pathemata maximè vitentur: In præservatoria cura quæ matrem tantum modò tangit, illa graviditatis tempore imaginationem suam probè dirigere studeat, ita ut illa non sit in una re nimis defixa, sed moderata, objectorum Essentiam ritè considerans, nec falsas & excessivas qualitates ipsis attribuens, ne vel eorum nimia despectione aut magnæstimatione Animi Affectus excitentur, quæ potissima sunt Nævorum occasio, ideoque illis maturè frenum est injiciendum & eorum antecedaneis, v. g. fœdarum, horrendarum, crudelium, admirandarum & infuetarum, novitiarum, terribiliumq; rerum inspectioni, Subitanorum clamorum, motitationumq; auditioni & quæ huc facere possunt præveniendum. Gravidæ è contra magnanimitati operam dent, & propterea nonnunquam remediorum sanguinem & spiritus confortantium. Eg. Aq. Cinamom. Balsam Embryon. Cardiac. off. Confect. Alkermes. vel de Hyacintho compl. si nimirum suaveolentia perferre possint, aliquid assumant.

J. XXIII. Novimus Curatoriam Curam Indicationem nobis suppetere Generalem illam, malum causæ proximæ ablatione esse tollendum, hic enim Medici in omnibus morbis primarius est scopus, cui intentus maximè esse debet studium suum nervosqué huc omnes intendens, & quamvis interdum affectum curatu difficultem, si non immedicabilem agnoscat, ægro tamen auxilium anxiè efflagitante, nullum non movens lapidem satisfacere debet. Verùm cùm hæc generalis Indicatio, malum esse tollendum, nisi magis particularisetur, sit quasi inutilis, oportet ut illam indicationibus particularibus & huic subministrantibus in effectum ponamus, vidento: Ubi, quando, quantum, quo modo & ordine sit agendum, quæ omnia in genere sic determinari nequeunt, sed à cujuscunque affectu differentiis, accidentibus, Indole, magnitudine, parte affecta, causis, co- et contra indicantibus dependent. Quantum autem ad Nævos ingenere, eorum aliqui curari possunt, alii sunt incurabiles; curantur ij, qui non sunt adeo magni, & quorum curatio tentatur in Infantiae Annis, quiisque medicamentis tutoribus minusq; fortibus tolli se patiuntur; nisi partem corporis teneram, & valde sensilem occupent, &

Nævi non sint ex genere defectuosorum. In quibus autem hæ conditiones, circumstantiæ & cautelæ minus observantur, vel non curantur, vel difficulter & in tuto.

§. XXIV. Quoad Nævos protuberantes illi, si quidem non sint magni, tolli possunt per Medicamenta *Kathartica* & *Kavistica* cautè adhibita & cùm judicio applicata, pro ratione enim illorum facile magna oriuntur hæmorrhagia, & periculose superveniunt inflammationes, pessimis comitatae symptomatibus. Nævorum igitur si sint magni, cura hiscè non est instituenda; præter enim symptomata metuenda, Nævi quoque loco turpis exurgeret Cicatrix, partem illo multò magis deformans. Quæ vero in eorum censum veniunt, sunt: Alumen, Antim. calcinat. Calx viva, viride Æris, Vitriol. calcinat. Mercur. præcipitatus rub. sublim. corrof. Arsenicum. Auripigmentum. Ol. Vitrioli sulphuris. Aqua fortis. Quibus excrescentiæ per vices sunt tangendæ & conspergenda, & usq; dum planè sint exesæ emplastris siccantibus sunt deligandæ, tandem tuberculo planè ablato vulnus probè & cum diligentia cicatrizandum. Vel Spir. Sal. Armon. cum Calce parato cutis est aspergenda, qua aspersione ejus fit excoriatione Ol. ovorum sananda. Si tuberculum altius prominet, filo, Ol. sulphur. madefacto abscindi posset, vel Lapide infernali tangi, aut Lapii caustico officin. subjici: Quod si præter expectationem sanguinis nimium proflueret, Liquori styptico ex vitr. Romano & Alumine parato sisti posset. Si quis autem cura hac dolorificæ & quandoque periculosa deterretur, & nimiam tamen Nævi excrescentiam metueret, huic satisfieri posset adhibitione remediorum adstringentium, quorum ope fibris vasculorum cutis constrictis, serum superfluum è poris exprimitur & ulterior tantâ copiâ affluxus prepeditur, cuius gratiâ potest inspergi pulvis ex corticibus granat. R. Aristoloch. rot. cap. mort. vitr. Alumine usto, Mercurio præcipitato albo commixtus. Vel fatus ex decocto adstringente, vel linea aquâ styptica vel Tinct. Antihiptistica applicari. Quibus mediantibus si eminentia non auferatur planè, imminuetur tamen & ulterior ejus auctio præcavebitur.

§. XXV.

§. XXV. In Nævis planis hujus vel illius coloris fuscis
præprimis, Lividi flavique eo annitendum est, ut pori am-
pliati augustiores reddantur, & lævor cuti inducatur. Prio-
ri scopo satisfaciunt med. Leviter astringentia ex Geruss. &
Lithargyr parata, etiam tinct. Benzoin. Multum heic con-
ducere mihi videtur, Lac illud Virginis Cl. Blanckard. ex A-
lum. crud. ȝ IV. Aq. commun. ℥ iiij. ad trium part. consum-
ptionem coct. & Lithargyr. ℥ iiij. Acer. vini ℥ i. separatim coct.
philtrat. & cum prior. decoct. confus. & usque dum albed.
acquirat agitat: quod crebrò usurpatum nonsolum astringit,
sed & intra poros cutis particulas suas albantes relinquit.
Quæ lævorem, candorem & teresitatem cuti conciliant sunt
omnia cosmetica, inter quæ primas tenent Linimenta ex Tal-
co, magist. marcasit. Mercur. præcipitat. alb. ol. sem. quatuor
frigid. vel nucl. pini parat. quæ ex Benzoin. styrace parantur,
imprimis exhibesc cum adhuc aliis destill. Aq. Cosmetica.
Quæ omnia ritè & longo satis tempore in usum vocata ma-
culis his obscurum eorum colorem demere, & reliquo cutis
similes reddere posse existimamus. Simili ferè modo, imd
faciliore abigi posse maculas rubicundas, quæ sanguini pro-
pter arteriolarum nimiam ampliationem sub cute illius partis
tardius circulanti ortum debent, ducimus, ad quas tamen
præter astringentia & discutientia leviora externa, etiam in-
terna concederemus haud præposterè, v. g. Aq. Plantag. Burs.
Past. Torment. Syr. Myrtillor. Plantag. Cydonior. conserv.
Ros. r. Lap. Hæmatit. Corall. Sang. Dracon. &c. ex quibus
pro necessitate variæ concinnari possent formulæ. Vel uti-
liter posset bis & die intro assumi vitrum plenum succi ex
Herb. Plantag. & Bursæ Past. Externè potest applicari Epi-
thema ex Aq. Ros. Sambuc. Fl. Sulphuris. Sal Saturni. & Cam-
phora, vel succus Herb. prædict. in usum potest vocari, fri-
ctio quoque cum Aceto Saturni dulciss. cum quibusdam gut-
tis Ω*ci. prodest.

§. XXVI. Pilosi Nævi extirpari necesse habent medic.
eorum defluxum producentibus, quæ pilorum radices in
glandulis subcutaneis pedem figentes erodunt, qua erosione
nutrimento spoliati, & eorum fundamento destructo decidere

coguntur. Medicam. hæc Psilotra vocantur, cujusmodi compositum quoddam est sequens. R. Auripigm. Evij. Calx viv. Ex. Amyli 3ij. quæ lixivio quodam in formam linimenti redacta pilosæ parti illinantur. Heic valent quoque succi. Thithymalor. Hiosciami. Cicutæ. Bryoniae. Betæ & sempervivi. Quod si pili sint extirpati ne rursus revertantur, glandulæ pilares cuticulæque pori planè sunt constringendi, quod efficaciter præstat sequens liquor destillatus. R. Corn. Vaccæ. Alum. Roch. sem. papav. n. a. q. s. fang. vaccini recent. Ibj. macerentur, destillantur & applicentur semel de die. Supersunt nobis adhuc curandi Nævi excavati, quorum peculiarem tradere Methodum supervacaneum nobis videtur, utpote quorum species nonnisi vulnus sunt & ulcus, quæ singula juxta generalem suum modum à magnitudine & situ eorum determinatum & specificatum sananda. Ultimo tandem loco succedunt Nævi defectuosi, quorum curationem in partium productione consistentem suscipere vel promittere temerarium nobis videtur, cum nulla post corporis formationem de novo generentur partes, quas nihilominus tamen cura aliqua palliativa, interdum Chyurgia, Curtorum dicta, non adeò exactè, quin magis aliquando rudiusculè restituere, credulæq; hominum turbæ facilèque deceptibili pro veris vendere sufficit.



C O R O L L A R I A.

1. M ercurius corpori inunctus Paralyseos causa & remedium esse potest.
2. Medicamenta elestivé purgantia dari verum.
3. Venæfæctio in principio febris malignæ conductit, in progressu verò nocet.

4. Lan-

4. Languidorum à vini generosi haustu subitanea refectio non à particulis vini spirituofis fibras nervas linguæ vel ventriculi ingrediuntibus , sed illas titillando spiritus excitantibus dependet.

5. Spiritus vitalis sanguinis est admittendus.

6. Narcotica & Anodyna in Pleuride sunt exulanda.

7. Catarrhi non sunt defluxiones Cerebri, sed glandulosarum capitum partium.

8. Mox ante Thermarum usum corporibus plethoricis sanguis est subducendus, ne dum calidæ insessu motus ejus acceleratur , extravasationes contingant.

9. Etiam Cibi ad spirituum Animalium materiam contribuunt.

10. Medicamenta Chymica tuta sunt æquè ac Galenica.

11. Menstrua sanguinis excretio soli sanguinis abundantiae est ascribenda.


12. Quodvis , vel etiam minimum corpusculum potentia visibile existere debet.

F I N I S.



Iam portentum Alixippe exigitur daper
15. Quodvis, vel certum minimum, corrigere
spontaneum si spectantes
Gesuini
10. Mechanicus Chalcis eius non sedis ac
hunc coniunctum
5. Tunc omnes Vinculum meo
litterarum
1. Mox autem pectus suum coronare b
hunc mundi etiam societatem, consuetudine con
sumptuosa
8. Nonne I peritiam quoniam certitudinem h
hunc mundi si pugnare, ut hunc istius in
litterarum
4. Hoc est enim quod sibi Cognoscere, ne
litterarum
9. Spuria litterarum quibusque tunc ex
mutatio litterarum exquisita et subtilis
2. Specie litterarum tunc minus invenimus
mutatio litterarum exquisita et subtilis

E A N I F



TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black

TIFFEN® Gray Scale

© The Tiffen Company, 2007

